

Na nomber di su yiunan ta invita tur famia y conocirnan pa asisti na un Santo Sacrificio di Misa pa motibo di ta recorda 1 aña di fallecimiento di

REINIRA NOGUERA

q.e.p.d. 21 febr. '88

Cual misa lo worde teni dia 23 di febr. DIAHUEBS pa 7'or anochi na misa Sagrado Curazon na Savaneta Boso presencia ta altamente aprecia.



LIFE is a song.....
LOVE is the music.

EDDY, SOSEGA na PAZ.

FUNDASHON FESTIVAL
VOZ - I - LANDIA ESCOLAR

Dios ta cu bo of abo
ta bay cerca Dios.

EDDY

Amor tabata su motor
Fundeshi di su alegria
y pasenshi te na ultimo
momento ora cu Dios a jame.



Cu honda pena pero conforme
cu Dios su boluntad, nos ta
participa fallecimiento di:

SR. EDWARD AUGUSTUS BENNETT

mihor conoci como "EDDY"



Na nomber di su esposa: Nena Bennett
su yiunan: Gerry y Nyana

Su mayornan: Paul y Ina Bennett
Su rumannan: Helen Gunther - Bennett
Paul (Boy) Bennett
Joan Driessen - Bennett
Su swa y cuñanan: Eugene Gunther
Osa Bennett - Kjeldsen
Huub Driessen
Marietje y yiu

Su subrinonan: Janine, Eugene, Eric, Peter, Danny y Esther

Su tanta y omonan na Corsow

Su suegro: Ben Pieternella.

Demas famianan: Bennett, Pieternella.. Odor, Morales
Ries, Pinus, Martina y demas famianan ta invita pa e
acto di entierro cual lo tuma lugar AWE tardi pa 4'or
saliendo for di iglesia San Francisco y despues pa
santana catolico den Boerhaavestraat. For di 2'or e
restonan mortal lo ta reposa den iglesia San Francisco
na playa. Despues di entierro no ta ricibi bishita di con-
dolencia na cas. Agencia Funeraria Del Pueblo ta
extende su mas hondo condolencia na famianan di e
fallecido.

EDDY BENNETT ta un gran pianista, un gran compositor, un gran areglista y un gran amigo

EDDY BENNETT ta un gran pianista, un gran compositor, un gran areglista y un gran amigo dimi.

Eddy a toca pami varios aña den conbunto Sensacion Musical.

Ta den aña '50 cu mi pianista Ralph Hodge mester a bay Merca pa studia, cu mi amigo Juancho Kock a introducimi Eddy.

E tempo ey Eddy no tabata popular ainda - pero un simple

maestro di school na San Nicolas, cual tabata tin musica na su pecho y ya tabata toca den un banda chiquito na S.N.

Mi a acerca Eddy y sin vacila el a cuminsa toca pa mi conbunto. Nos conbunto Sensacion Musical tabata no.1 di Aruba.

Eddy tabata tin un estilo unico ariba piano. Den conbunto e tabata un persona cu masha respet pa tur e componen-tenan. Nunca Eddy a yamami bo.

Cu Sensacion Musical Eddy a yega di compaña varios artista grandi, manera Rolando La Serie, Orlando Vallez y varios mas.

Eddy a sigui studia musica y a dedica hopi di su tempo pa e ritmo di tumba. El a bay hopi den historia di tumba caminda e ta aplicabo con e ritmo di tumba a origina - tambe e diferenciacion entre e composicionnan di Aruba y Curacao.

E ritmo di Dande tambe Eddy a studia y a bay back den historia di Aruba y por a constata exactamente con dande a origina.

Tabata semper un placer inmenso pa mi yama Eddy y combersa tocante musica.

Eddy tabata un persona cu no conoce e palabra no - ora bo toca na su porta tocante musica.

Un deseo grandi cu semper e tabata tin - ta pa introduci "auteurs recht" na Aruba - pero esey nunca e por a logre. Semper Eddy a dunami su maximo cooperacion. Mi a siña masha hopi di Eddy. Mi tabata tin e honor di sinta bunto cu Eddy como jurado, tanto den calypso - tumba y festival di Oti.

Semper Eddy tabata un persona calmo.

Diadomingo promer cu Eddy a fallece mi a bay bishita na hospital bunto cu mi señora. Aunque cu porta tabata tin un borchí "geen bezoek" mi di no, mi mester mira Eddy.

Ora mi a habri e porta e di: "Edwin, mi ta contento di mira bo". Awa a yena su wowonan. Su ultimo palabra e di "Edwin tene e musiconan uni".

Mi gemoed a yena y a despedi di dje cu e idea pa bolbe back - sin sa cu tabata mi ultimo bishita cu mi por a papia cu Eddy.

Eddy su falta lo nos sinti masha hopi mes. May en especial durante temporada di carnaval caminda Eddy tur aña ta composita tanto calypso como tumba pa competi.

No tin duda cu fallecimiento di Eddy lo ta un golpi duro pa e farandula Arubano.

Eddy a laga un vacio atras cu sin duda lo ta dificil pa ser yena.

Eddy tur loque bo a haci pami danki. Pueblo lo yorabo y recorda e mes un momento e tesoro musical cu bo a laga pa nos como recuerdo.

Eddy, Sosega na paz. Ora bo ta aya ariba corda ariba nos.

Edwin Zichem



SOUND & HARMONY & THE ARUBAN BAND

Ta extende palabranan di condolencia na Sra. Nena Bennett, yiunan y demas famia di nos gran amigo y compositor:

Sr. EDDY BENNETT

"EDDY SOSEGA NA PAZ"